



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Annales Mariani Societatis Iesv

**Nádasi, János**

**Romæ, 1658**

Anno MDCXXIII.

**urn:nbn:de:hbz:466:1-42840**

661. P. Petrus Gil, seu Ægidius, Barcinonensem Academiam singulari erga DEI Matris honorem ardore accendit. Ipse illam coluit admirabili studio paupertatis. Impressit Barcinonæ modum adinuandis moribundis; quos excitat ad fiduciam erga B. Virginem.

662. P. Ioannes Franc. Ioanellus in B. V. peruigilijs lōgâ & sœuâ corporis flagellatione se lacerabat. Repertum est ab eius morte chirographum, quo per B. Stanislaum B. Virgini destinato se Deiparæ admirabili verborum teneitate ac pondere transcribebat.

663. P. Casar Cosus. Sabbato. nil omninò cibi cocti admittebat, & per totos dies quindecim anted diem Assumptæ Deiparæ ieiunabat.

## ANNO MDCXXIII.

664. P. Thomas Saillius olim à morbis quos per itinera contraxerat omnibus (vt ait eius. elogium Bruxellis Romam missum) ope Deiparæ persanatus, B. V. officium nullo die omisit: eiusdemq; imaginem in theca reliquiaria ita circumferebat, vt & ipse illam sœpius osculari, & alijs ad osculum præbere posset; obtestatus omnes, vt Dominam hanc & Matrem amare non negligerent, quantum possent. Si domo egredi pararet, paruulæ in cubiculo statua MARIANÆ supplex aduoluebatur in genua, & maternam ab ea pro felici rei ad quam peragendam exhibat benedictionem flagitabat supplex. *Quanti casus humana rotant!* aiebat ille. Contra hos vt te munias, domo exiturus, dic cum S. Ioanne Damasceno ad B. V. *Tu quæ calis es sublimior materialibus, vitæ casibus mentem meam effice sublimiorem.*

665. In castris autor fuit militibus, vt (id quod ipse faciebat) se quotidie Beatissimæ Virgini, conuerso ad illam vultu & mente, impensè commendarent.

obiit 1622  
15. Sept.  
Barcinonæ  
Paupertate  
illam  
colere.

obiit 1622.  
25. Iun.  
Verberare  
se, ac ita  
illi dedica-  
re.

obiit 1622.  
Messanæ  
7. Nou.  
Ieiunijs  
illâ colere.

obiit 1623  
8. Martij  
Bruxellis.

Vide In-  
cit. n. 187.

Ante exē-  
dum bene-  
dictionem  
ab illa pe-  
tere.

m. f. Dom.  
ode 8.

Illam ca-  
sto silentio  
venerari.

m. f. Sabb.  
ode 6.

In sacro  
eius opem  
petere.

ob. 1623,  
20. Dec.  
Calari.  
Marie no-  
men pro-  
nunciare  
tenere.

Anni Mar  
Sabb. 51.  
Hymnos  
de B. V.  
componere  
recitare,  
cantare.

Incit n.  
189. 9.  
190. 191.  
192.

Homil. in  
m. palm

rent. Virginibus suadebat, vt B. Virginis amore  
(præter vigilem, ac perpetuam custodiam puritatis)  
constanter assuescerent, vtrarò ac parè cum viris  
(& quidem etiam cum confessarijs) loquerentur. Id  
Beatissima Virgini fore gratissimum: & confessa-  
rijs (si boni sunt) non ingratum. S. Ioan: Dama-  
scenus: *Viscera misericordie tue pelagus multum est, o in-  
culpatisima.*

666 Inter sacrificandum, ad sacrosancta conse-  
crationis verba B. V. opem implorabat, vt rem tan-  
tam dignè perficeret, Coram CHRISTO verò ante se  
posito rogabat Deiparam vt oblati Filio suo suis &  
suorum libellis supplicibus, sua & suorum pœniten-  
tium negotia ipsa agenda suscipere, credebaturque  
id in more esse cuiuslibet Sacerdoti in Societate IESU.

667 Franciscus Hortulanus Coadiutor, vt primùm  
natus in lucem est, vt aiunt quibus licuit interesse,  
confestim teneras manus persanctè iunxit, & infans  
licèt aliàs, MARIA pronunciauit. Neque id mirabi-  
tur qui legit Kunegundam infantem regiam, vt pri-  
mùm nata lucem hanc aspexit *Aue Regina* pronun-  
ciasse.

668 Idem Franciscus ætate iam grauis, hymnos  
quoque in SSS. Trinitatis, & B. Virginis honorem,  
componere stylo pio ac dulci; vel factos ab alijs  
colligebat; & vtrosque secum ipse ad concitandos  
teneriores pietatis sensus cantabat. Reliqua vide  
Incitamentorum n. 188.

669 Pro ijs qui carcere attinerentur, pro elec-  
mosynâ *Aue MARIA* recitabat, id Virgini gratissi-  
mum esse sibi persuadens. In triclinio quoque de  
illius maiestate & gloriæ eminentia sæpè cogitan-  
tem ingentes animi voluptates impleuere: de qui-  
bus aliàs. Hæc S. Maximo Ep. *Manna est: quæ velut  
celi-*

calitus veniens cunctis Ecclesiarum populis cibum dulciorem melle defluxit.

Eundem Hortulanum ut primū natus est, iunxisse teneras manus, & MARIAE nomen pronunciasse fama est ab ijs accepta quæ adfuerē. lubens hymnos de B. Virgine componebat, eosque ac alios etiam ab alijs compositos cantabat. Angelos etiam socios musicæ aliquando habuisse dicitur accinentes; à quibus inchoata nonnunquam carmina dulcissimè prosequēbatur, iam tum hīc Angelorum cuius, & cæli tiro.

De illa canere.

Pro ijs qui carcere continentur Ave MARIA recitanti elemosynæ loco, adesse visa Regina gloriæ, sibi hanc elemosynæ artem apprimè probari ostendit. Alias in templo ad Sanctorum reliquias illam in maiestate, ceu Imperatricem, dicitur aspexisse. Nempe placet Sanctorum Regina honor qui Sanctis impenditur.

Ave pro ijs qui sunt in carcere recitare.

Idem cum ab obedientia euocatus è templo, Sanctissimo Sacramento refici vehementer optaret, 13. Decembris, ut scribunt ij, qui eius intima tractauerē, vidit Virginem Matrem augusto splendore insignem cum duobus Angelis, & Sacerdote; quæ de promptam è tabernaculo SS. Eucharistiam Francisco porrexit, illo per totum illum diem inexplicabilibus delicijs delibuto.

In communionē.

P. Thomam Saillium, de quo num. 665. dixi, Beatissima Virgo à morbis pluribus persanavit, quando cum S. Barbara, alijsque calitibus, ab illa visitari sibi visus est, & alloquio recreari; demum valetudini pristinae restitutus est, cum illa CHRISTO pro Thoma suppliciter diceret: Fili; permittite nostrum hunc famulum adhuc vivere, Fuis ad B. Virginem

In morbo.

XX pre-

precibus, alium ab anxia quadam mentis cura, alium à morbo liberavit, vt ipsi sunt fassi.

670 P. Ioannes Pellicyus obiit hoc anno Laurentianis B. Virg. Litanijis post extremam vnctionem recitatis. Hic libro (id quod etiam obseruabat S. P. Ignatius, & monebat) de infinita grauitate peccati mortalis ait, quòd etiam Beatissima Virgo illo offendatur, quæ nostra magna est benefactrix. Ab illa ergo, & per illam petendus est horror ille quo peccatum horreas, ita vt illa illud horret tantopere quantopere amat Filium suum. Neque ita men arceudi sunt à cultu Virginis peccatores; imò ad illam vocandi, vt veniam & emendationem impetrent. dicenda illis verba S. Fulberti Carnotensis Ep. *Respirate ad Genitricem domini plenam misericordiae.*

671 P. Nicolaus Pollicenus flagrantem Deiparæ cultum iunxit cum accuratissima erga infirmos charitate. Vir grauis è clero de seipso ita retulit: se à P. Nicolao visitatum cum æger extra spem vitæ mortem opperiretur. Cum verò se per eundem diuinæ Matris precibus commendasset, postridie luce plenâ visam sibi adesse Deiparam conclauis ingressam vnâ cum P. Nicolao qui Virginem sequebatur. Neque dormienti sibi sed vigili hæc visus dicebat: seque à cælesti Matre communitum, vt IESVM, & ipsam accuratiùs deinceps coleret. Tam iussu magnæ Matris accessisse P. Nicolaum ad ægri lectulum, ac eâdem iubente pectus ægri tetigisse, ac se illicò planè conualuisse. Vocatus postridie P. Nicolaus, re audita rogauit impensius, ne res ad vilius conscientiam perueniret. Seruiamus ægris vt MARIE filijs. Nam, vt illud hic è S. Ambrosio memoria repetamus: Si CHRISTVS credentium

Lib. 1. c.  
13.

Mortale  
peccatum  
summè  
horrere.

Serm in  
ortu alma  
Virg Mar  
in fine.

Ob. 1623.  
28. Dec.  
In morbo.

Ægros  
visere.

Accura-  
tiùs colere  
IESVM,  
& B. V.

Tomo 6.  
de Purif.  
B. V.

Frater, cur non ipsa quæ CHRISTVM genuit credentium Mater?

672 P. Alphonsus Ezquevra hoc anno in vltimo sacro, quod in Exercitijs faciebat cum sua Deiparæ enixè commendaret, singulari planè sensu se perfusum dixit. visum sibi quippe animam suam in Deiparæ manu esse, atque ab ea inferi aperto lateri boni IESV; quòdque ipse CHRISTVS Deiparam id facientem iuuaret. Quid animâ, & corde vagamur? Commendemus vtrumque in MARIAE manus; & dicamus cum S. Ioseph Græco: *Lychnum cordis mei extinctum accende: mentis mee euagationes cura.*

673 Scripsit P. Iacobus des Bans hoc anno Parisijs impressum paruum B. V. Sacellum hieroglyphicum, distinctum imaginibus, Parthenio Sodali Sacrum. P. autem Ioannes Suetnamus Audomari impressit Paradisum voluptatis super Litanias Lauretanas. P. Michaël Coysardus Parisijs luce publicâ donauit Litanias B. V. Lauretanas, aliasque in singulos hebdomadae dies ad B. Virginis laudem ex Sacra Scriptura, & SS. Patribus, cum notis musicis. Ita Sanctissimæ Matri cantabat, hymnosque scribebat Hermannus ille Ioseph Ord. Præmonstratensis. In quodam hymno sic canit:

*Gaude semper, & exulta  
Auro, gemmis benè culta  
Mea mens ad te suspirat;  
Qui non amat te, delirat.  
O amor, & amoenitas!*

674 P. Leonardus Lessius inter surgendum manè recitabat de B. V. *Concede quæsumus &c.* & Litanias Lauretanas pro constantia in Societate. Hoc anno Græcij P. Hieremias Fischer peste contactus

XX 2 Foyen-

Andreas  
de Rada,  
ap. Nier.  
t. 2. p. 503.

M. S. 14.  
Nov.

Obijt Lau-  
reni 1623.

Obijt 1623  
Lugduni.  
Musica il-  
lam cole-  
re.

E Cod.  
M. S. vet.  
Marraccij

Obijt 1623  
15. Ian.  
Louanij.

Foyensis Deiparæ lapillo illicò peste fugatâ conu-  
luit. hic post mortem sibi penes B. Virginem bene  
esse dixit, vt dicam anno 1634.

Ob. 1623.

17. Iul.

Mechli-  
nia.

Sabbato  
peregrina-  
tione mo-  
dica, &  
humilitate  
illam cole-  
re.

675 P. Andreas Bottelberch doctè, flagranter,  
sæpè, ac feliciter adeò de B. V. laudibus, & amo-  
re dicebat, vt *Ecclesiastes B. Virginis* diceretur.  
Hansvickanam B. Virginem Sabbato quouis con-  
stanter ac religiosè inuisens, illam eminè con-  
spicam verbis Angeli salutabat; eodemque die domi-  
aliquod demissionis officium exercebat; beneficia  
illius perscité narrabat, etiam quæ ipse accepit.  
Vt B. V. imagines in locis magis conspicuis col-  
locarentur, cum Archiepiscopo Mechliniensi tran-  
egit. Eiusdemque Deiparæ in suis etiam imagi-  
nibus cultæ auspicijs felix fuit in tollendis ab usu  
hominum imaginibus impudicis. Seruet DEVS, ser-  
uet, atque augeat in Societate inclytam illorum,  
numerum qui Deiparæ sint Ecclesiastæ ac discretissi-  
mi oratores; *Gloriosa*, inquit Bernardus, *dicta sunt*  
*de te, Ciuitas DEI Genitrix. Sed adhuc locus est tue*  
*laudi: adhuc in tuis laudibus omnis lingua balbutit. Non*  
*enim sunt loquela, neque Sermones in natione quæ sub*  
*Cælo est, quibus amplitudo gloriæ tuæ ad plenum valeat*  
*explicari.*

Tomo 2.

orat. ad

B. V. fol.

404.

Libello

Sodalitatis

ad mores

bonos vsi.

676 Annæ Flandrobegicæ in hunc annum  
aiunt Gandani quendam cum ad frugem meliorem  
apud Sacerdotem nostrum se compararet, narra-  
se; visum sibi Magistrum olim suum de Societate,  
libellum Sodalitatis Partheniæ manu præferentem,  
& minaciter dicentem: Peristi, miser, nisi con-  
tenta hoc libello obseruaueris. Iterumque oblatam  
sibi vmbra defuncti parentis, & igneum lacum,  
dictumque ab vmbra: Nisi resipueris, in hunc præ-  
ceps deturbaberis. Multa sunt in libello Sodalitatis  
foli-

solidæ officia pietatis erga DEVM DEIQUE Matrem. ad hæc hortabatur adolescentem illum Magister ille vitâ iam functus. Age dum viuimus, ad cælum ducamus omnes per hanc Virginem, de qua loquens S. Ioannes Chrysostomus eam vocat *alterum Cælum quod est in terra: & thalamum diuinæ humanitatis.*

*In Bibliot.  
homil. PP.  
in Annunc.  
B.V.*

677 P. Marcellus Augustinus in eo quod anno 1623. Macerata impressit theatro continentiaæ ostendit quàm grata sit castitas nostra Regina Angelorum: sententias ac exempla noua, & vetera affert. Franciscum de turpi cogitatione inter spinas cruentum rosisque candidis conspersum, quæ ab eius sanguine purpuram induere. Tum spectata illi cum Iesv, & Angelis Regina Imperatrix, ac triumphatrix, & præses in victoria castitatis.

*Cap. 8.*

*Cassè il-  
lam cele-  
re.*

678 P. Matthæus de Vos diuinæ Matris coronam attentè quotidie recitabat, idque tam constanti pietate, vt posteaquam illam olim puer semel recitauit, id facere nullo deinceps die per omnem vitam ob vllam occupationem, negligentiam, vel obliuionem omiserit. An non speret talis à Virgine id quod illa dicit suo Filio: *Fili mi amatissime, miserere animæ famuli tui, amatoris & laudatoris mei, sicut tu bene nosti, & vidisti; de cuius ore Sancti Angeli sæpius mihi deuotæ salutationis gaudia uunciarunt.*

*Obijt 1623  
Louanij.  
2 Ian.  
Constantem esse in  
quotidiano  
penso.*

*Thom. à  
Kemp.  
parte 3.  
Serm. 2.*

*Obijt  
Bergis  
1623.  
22. Iulij.  
Mortifica-  
riunculis  
illam cole-  
re.*

679 M. Franc. vanden Brande ante initiam Societatem in honorem B. V. inter alia, per annum integrum sibi abstinentiam à pomis, nucibus, & alijs fructibus, (magnis puerorum illecebris) indixit, ac seruauit, in honorem Virginis se peruincens. Postea Ipris cum iuuentutem erudiret, eo adnitante Sodalitas Angelica egregiam B. Virginis ita-

*Gulam  
peruincere*



statuam in area Scholarum erexit; cereum qui coram illa Sabbatis luceret constituit.

*Obijt Malage 1623. 23. Martij. Manè ad illam expurgisci.*

680 P. Christophorus Mendez manè vnâ ante alios horâ surgens B. Virginis coronam ter recitabat. Primò vt per illam obtineret plenam suæ cum diuinâ voluntatis consensionem; deinde pro amicis, & inimicis; tandem pro mortuis.

*Pro agris orare.*

*M. S. Fragm. 3.*

681 Camberij hoc anno vixit vltimùm P. Andreas Suffrenus. Pro hoc Lugduni olim agro Deiparam impensè precatus quispiam Coadiutor, angustam Virginem coram videre visus est disertè pollicitam quòd Andreas ex eo morbo non esset decessurus. *Custodi vitam nostram*, ait eidem S. Ioannes Chrysostomus.

*Orare pro peccatoribus.*

682 P. Nicolaus Oborski in miraculis B. Stanislai Kostkæ, quæ è iuratis processibus excerpta Cracouiæ anno 1630. impressit, refert, anno 1623. visum B. Stanislaum Kostkam, instar ephebi throno æterni Patris assistentem, & Beatissimam Virginem illum impensè hortatam, vt pro peccatoribus preces coram irato DEO Patre effunderet; idque illum obedienter fecisse ad eas voces Matris DEI; moxque orasse in genua prouolutum, & à nouem Angelis veluti sustentatum. Rem gratam DEI Matri fecerimus, si pro ijs qui alieni à DEO degunt, pro nostrâ tenuitate, impensè oremus vt conuertantur & viuant.

*Ob. 1623. 9. Ian.*

*Almonaci- dij.*

*Valetudine sua san- Etè vti.*

*Marraccij*

*M. S. Fra- gm. 3.*

683 P. Franciscus de Vbierna æger ad B. V. imaginem pro vita extendenda, & animarum salutis impendendâ supplex, audire sibi est visus Deiparam ex illa imagine disertè respondentem; id quod peteret, habiturum. Perfanatus, totos quindecim annos quibus superfuit, Beatissimæ Virginis amori, & animarum salutis vestigales fecit.

*Custo-*

*Custodi vitam nostram*, ait ad B. V. laudatus S. Ioannes Chrysoſtomus.

ANNO MDCXXIV.

684 P. Carolus Romanus in Lauretana B. V. DOMO IESVM, MARIAM, IOSEPHVM vidit, vt ferunt literæ de illo perſcriptæ; ac admirabiliter toto corde ad illos amandos, colendosque accensus est.

Ob. 1624.  
16. Aug.  
S. Iosephū  
colere.

685 P. Ioannes Franc. Gaudanus tres Deiparæ coronas texebat orando quotidie; primam pro animabus purgatorij; alteram ad gratias pro beneficio vocationis agendas; tertiam pro morte in Societate feliciter oppetenda. Aiebat visum sibi olim tironi, quasi vocem humanâ maiorem audiret dicentem: Ioannes, si in Societate perseveraueris, saluaberis; si tuâ dimissus culpâ fueris, damnaberis. Supremis quoque vitæ diebus voce iam fugiente dicere auditus est: orate pro me; ne vocatione exeam. S. Ioannis Damasceni est illud de suo fine solliciti: *Ab illecebra passionum libera me, Mater DEI, placans Filium tuum, & manuduens me ad Diuinum complementum voluntatum ipsius.*

Ob. 1624.  
7. Ian.

Constantiâ  
in vocatione  
illi com-  
mendare.

686 Iacobus de Alagon cum SS. Euchar. Sacramento mutari non posset ob stomachum (quem in honorem B. V. se ad IESVM pariendum disponentis per totum aduentum quotidie ieiunando debilitauerat) monitus à P. Rectore vt ad B. V. id gratiæ flagitaret; fecit, & obtinuit vt 1. Ianua: anni 1624. potuerit refici pane Angelico, tertio die post mortem. Fructus is fuit Sabbatinæ pietatis, quâ ille Sabbatum ieiunio, & publicâ sibi verberatione ornabat. Dulcissima res est, etiam in difficillimis in illa spem post DEVM reponere. Hinc illa S. Damasceni: *O secura salus, o fir-*

M. S. Do-  
minic.  
Ode 5.

Ieiunium.

Sabbatum  
Deiparæ  
dedicare.

M. S. Fer.  
4. Ode 9.

ma